


**Geaidnu
Ipmila
Lusa**





©2025 World Missionary Press, Inc., Meryl Esenwein art on pages 10, 12, 14, 16, 27, 29, 39, 42, 44, 46, 47, & 48. Biibbalteaksta lea váldon Biibbalis 2019 © Det Norske Bibelselskap, © Suomen Piipiasaia og © Svenska Bibelsällskapet.

IPMIL SIVDNIDII MÁILMMI JA 1 BUOT EALLIMA

Álggus lpmil sivdnidii almmi ja eatnama.

—1. Mosesgirji 1:1

**Dasgo su siste sivdniduvvui buot mii lea almmis ja
eatnama alde. —Kolossa 1:16**

**Vare din buressivdnidivččii Hearrá, almmi ja eatnama
sivdnideaddji! Albmi lea Hearrá albmi, muhto eatnama
son lea addán olbmuide. —Sálmmaid girji 115:15, 16**

**Máilbmi lei ollis, go lpmil attii dan olbmuide. Loga dán
gihppagis, mii dasto dáhpáhuvai.**



Ipmil celkkii: “Dahkkot olbmo, dahkkot su iežamet govvan, iežamet láhkásažžan! Ráđđejehkoset...mat lihkadit eatnama alde.”

—1. Mosesgirji 1:26

OLMMOŠ ŠATTAI EALLI SIELLUN 3

Dalle Hearrá Ipmil hábmii olbmo eatnama muolddas ja bosádii su njunnái eallinvuoigŋanasa, ja olmmoš šattai ealli siellun*. —1. Mosesgirji 2:7

Hearrá Ipmil celkkii: “Olbmui ii leat buorre leat okto. Mun dagan sutnje guoimmi gii sáhhtá leat sutnje veahkkin.” Dalle Hearrá Ipmil oadđáhii olbmo losses nahkáriidda, ja go son lei oadđimin, de Ipmil válddii ovttá su erttetdávttiin ja devddii dan saji oččiin. Hearrá Ipmil dagai dán erttetdávttis nissona ja buvttii su olbmá lusa. —1. Mosesgirji 2:18, 21, 22

***Ealli siellu mearkkaša, ahte mii leat gos nu agálaččat.**

4 ADAM JA EVA EABA JEAGADAN IPMILA



Mii eat galggaše goassege guldalit Sáhtána jiena.

**Hearrá Ipmil bijai olbmo Edena gilvvagárdái bargat 5
ja gáhttet dan. Ja Hearrá Ipmil rávvii olbmo ná: “Don
oaččut roahkka borrat buot gilvvagárdi muorain.
Dušše dan muoras mii addá dieđu buoris ja bahás, don
it oaččo borrat, dasgo dan beaivvi go don das borat, de
don jámát.”**

—1. Mosesgirji 2:15-17

**GEARPMAŠ, MAN GOHČODIT MAIDDÁI
BEARGALAHKAN DAHJE SÁHTÁNIN, GEAHČČALATTAI
IPMILA FÁMU JA VÁLDDI, JA MUITALII GIELLÁSA.**

**Dalle gearpmaš dajai nissonii: “Eahppi eisege jáme.”
Nisson oinnii dál ahte muora šaddosat ledje buorit borrat
ja ahte dat lei čáppat geahčadit ja geasuheaddji, danne
go dat attii jierpmi. Son válddii das šaddosa ja borai ja
attii maid boadnjásis gii lei suinna, ja sonnai borai.**

—1. Mosesgirji 3:4, 6

ADAM JA EVA EABA SÁHTÁN ŠAT ÁSSAT PARADIISSAS



Ja Hearrá Ipmil ájii olbmo Edena gilvvagárddis ja bijai
su bargat eatnama, mas son lei váldojuvvon. Son...
bijai...kerubaid ja álddagasti miehki fáktet geainnu
eallima muora lusa.

—1. Mosesgirji 3:23, 24

DAT BEAIVI, GOAS ADAM JA EVA DAGAIGA SUTTU, LEI MORAŠLAŠ BEAIVI BUOT OLBMUIDE

7



Suddu bođii máilbmái ovttá olbmo bokte, ja suttu bokte jápmin. Ja nu lea jápmin joksán buot olbmuid....
—Roma 5:12

Muitin láhkai

Juohke olmmoš lea riegiádan suttolažžan ja jápmá muhtun beaivve, go jápmin bođii suttu dihte. (Loga Roma 5:12 ođđasit.)

8 IPMILA PLÁNA MIN BEASTIMII LEI SÁDDET ÁIDNA BÁRTNIS



Vai šaddá olmmožin,
Ipmila Bárdni galggai
riegádit olbmo máná
láhkásažžan.

**“Son riegádahttá bártni, ja
don galggat bidjat bárdnái
namman Jesus, dasgo son
beastá iežas álbmoga sin
suttuin.” —Matteus 1:21**

**Dasgo su siste [Jesusis
Kristusis] orru rumašlaččat
oppa ipmilvuoda
dievasvuolta. —Kolossa 2:9**

JESUS LEA IPMIL — OLBMO HÁMIS 9

Álggus lei Sáni. Sáni lei Ipmila luhtte, ja Sáni lei Ipmil. Sáni šattai olmmožin ja áasai min gaskii.

—Johannes 1:1, 14

Buot dát dáhpáhuvai vai ollašuvvá dat: Geahča, nieida šaddá máná vuostá ja riegádahtta bárti, ja sutnje biddjojuvvo namman Immanuel – dat mearkkaša: Ipmil lea minguin.

—Matteus 1:22, 23

Dasgo mánná lea riegádan midjiide, bárdni lea addojuvvon midjiide. Váldi lea biddjojuvvon su olggiid ala, ja su namma lea Ovddolaš Ráđđeaddi, Veagalaš Ipmil, Agálaš Áhčči, Ráfioaivámuš.

—Jesaja 9:6

JESUS KRISTUS — DIEVASLAŠ OAFFAR

Su guhte ii diehtán suttus maidege.... —2. Korinta 5:21

Son ii suddudan. —1. Peter 2:22

Miige olbmo oaffaruššan oaffariid
ii lean doarvái DIEVASLAŠ váldit
eret suttuid.



**Lea veadjemeahttun ahte vuovssáid
ja bohkáid varra válddášii eret
suttuid. —Hebrea 10:4**

Jesus lea lpmila láppis. **“Gehččet:
lpmila Láppis gii váldá eret máilmmi suttu!”**

—Johannes 1:29

JESUS ATTII IEŽAS EALLIMA, VAI BEASTÁ MIN

11

Jesus russiinávlejuvvui, daningo julmmes olbmot vašuhedje su. Muhto su jápmin lei lpmila plána. Jesus attii iežas friddja dáhtus iežas eallima, vai beastá min, du ja mu, min suttuin.

Jesus celkkii: “li oktage váldde dan mus, mun ieš attán dan. Mus lea fápmu addit dan ja fápmu dan fas váldit.” —Johannes 10:18

MII LEAT SOABAHUVVON IPMILA LÁBBÁ VARAIN

Diihan diehtibehtet ahte dii ehpet leat lonistuvvon nohkavaš dinggain, silbbain dahje golliin...muhto baicce Kristusa, dan máinnehis ja vigihis lábbá, mávssolaš varain. —1. Peter 1:18, 19

MIIGE EARÁ OAFFARIID II SÁHTE VÁLDIT ERET SUTTUIDEAMET

...Mii leat dahkkojuvvon bassin ovttain áidna oaffariin, go Jesus Kristus oaffarušai iežas rupmaša. —Hebrea 10:10

12 Go su varra dál lea dahkan min vanhurskkisin [bestojuvvon],
de dađe vissáseappot son beastá min boahttevaš moaris.

—Roma 5:9

“Jesus, muite mu, go boadát
riikasat.”

—Lukas 23:42



Dát suola
oskui
Jesusii
ja gájui
heakkas.

“Duodaid, mun
cealkkán dutnje:
Odne juo don
leat muinna
paradisas.”

—Lukas 23:43



Dát
suola ii
oskon
Jesusii, nu
ahte son
ii gáddjo-
juvvon.

**Kristus jámii min ovddas go mii ain leimmet
suttolaččat [jeagoheamit lpmilii].**

—Roma 5:8

BUOHKAIN, GEAT OSKOT IPMILA 13
BÁRDNÁI, LEA EALLIN

**Dasgo nu lea lpmil ráhkistan máilmmi ahte
son attii áidnoriegádan Bártnis, vai dat
gii osku sutnje ii láhppo, muhto
oažžu agálaš eallima.**

—Johannes 3:16

**Son lea gádjon min seavdnjadasa válldis ja sirdán
min ráhkis Bártnis riikii, su gean ánsu dihte mii leat
lonistuvvon ja leat ožžon suttuideamet ándagassii.**

—Kolossa 1:13, 14

***Lonistus mearkkaša, ahte min leat oastán ruovttoluotta.**



**Muhto engel celkkii
nissoniidda: “Alli bala!
Mun diedán ahte doai
ohcabeahti Jesusa,
guhte russiínávlejuvvui.
li son leat dás, son lea
čuožžilan jábmiid luhtte
nugo son ieš dajai.
Boahti geahččat, dá lea
sadjí gokko son veallái.
—Matteus 28:5, 6**

JESUS ČUOŽŽILA JÁBMIID LUHTTE 15

Son gii eallá. Mun ledjen jápmán, muhto dál mun ealán álo ja agálaččat. Mus leat jápmima ja jábmiidáimmu čoavdagat.

—Almmustus 1:18

“Danne go mun ealán, ja diige eallibehtet.”

—Johannes 14:19

Daningo Kristus lea vuoitán jápmima ja sus leat jápmima čoavdagat, mii eat šat dárbbáš ballat jápmimis.

Go mun lean balus, de mun dorvvastan dutnje.

—Sálmmaid girji 56:4

(Geahča siiddus 46 lpmila lohpadusat.)

JESUS SÁHTTÁ BEASTIT DU JA SON ROHKADALLÁ DU OVDDAS

Muhto danne go Jesus bissu agálašvuhtii,...son sáhtta dál ja álo beastit sin geat su bokte bohtet lpmila lusa, danin go son eallá agálaččat ja rohkadallá sin ovddas. —Hebrea 7:24, 25

DON JA MUN, MOAI SÁHTTE OAŽŽUT AGÁLAŠ EALLIMA



**Man geainnu DON
válljet?**

Jesus Kristus lea
GEAIDNU agálaš
eallimii Ipmiliin.

Beargalat (Sáhtán) lea
geaidnu agálaš JÁPMIMII.

Dát bárdni vállje riehta agálaš eallima.

GOAPPÁ GEAINNU DON VÁLLJET? 17

...De válljehekset otná beaivvi gean bálvalit....

—Josua 24:15

**De válljehekset dalle eallima, vai dii ja din nálli
oažžubehtet eallit.**

—5. Mosesgirji 30:19

JESUS LEA GE Aidnu agálaš eallimii

**“Ii oppa leatge bestojupmi guđesge earás go sus.
Olbmuide ii leat addojuvvon almmi vuolde eará namma
mii min sáhttá beastit.”**

—Apostaliid dagut 4:12


Mun, mun lean Hearná, earret mu ii leat beasti.

—Jesaja 43:11

18

MANIN MII GALGAT VÁLLJET JESUSA, JOS MII HÁLIIDAT OAŽŽUT AGÁLAŠ EALLIMA?

1. *Kristus bođii.*



“Mun lean boahtán addit eallima....”

—Johannes 10:10

2. *Kristus ráhkistii min ja jámii min ovddas.*

...Ipmila Bárdnái guhte ráhkistii mu
ja attii heakkas mu ovddas.

—Galatia 2:20

Jesus šattai olmmožin ja lei danin
oažži ja varra dego miige, **nu son**

jápmimiinnis fámoahuhtá dan gean válddis lea 19
jápmín, beargalaga, ja luoitá friddjan buohkaid geat
jápmínbalu dihte leat leamaš šlávát oppa eallinagiset.
—Hebrea 2:14, 15

*3. Dušše Kristusa varra lea soabahus min
suttuid ovddas.*

Varra buktá soabahusa, danin go varas lea heagga.
—3. Mosesgirji 17:11

Su Bártni Jesusa varra buhtista min buot suttus.
—1. Johannes 1:7

Su gean ánsu dihte mii leat lonistuvvon ja leat
ožžon suttuideamet ándagassii. —Kolossa 1:14



4. Kristus čuožžilii jábmiid luhtte.

Mii diehtit ahte go Kristus lea
bajásčuožžilan jábmiid luhtte,
de son ii šat jáme, iige jápmin
šat ráđđe su. —Roma 6:9

Ja son lea jápmán buohkaid
ovddas, vai dat geat ellet, eai
šat eale alcceseaset, muhto sutnje guhte lea jápmán ja
čuožžilan jábmiid luhtte sin ovddas. —2. Korinta 5:15

Jesus celkkii: “Danne go mun ealán, ja diige eallibehtet.”
—Johannes 14:19

**5. Mis galgá leat Kristusa Vuoignja (Bassi 21
Vuoignja), vai sáhtášeimmet oažžut agálaš eallima.**

Din gaskkas lea Kristus, hearvásvuodá doaivu.

—Kolossa 1:27

**Jos su Vuoignja guhte bajásčuoččáldahtii
Jesusa jábmiid luhtte, ássá din siste, de son guhte
bajásčuoččáldahtii Kristusa jábmiid luhtte, maiddá
dahká eallin din jámolaš rupmaša Vuoignas bokte mii
ássá din siste.**

—Roma 8:11

SIHKARMUVA DAS, Ahte dus lea KRISTUSA VUOIGNA

Dat geas ii leat Kristusa Vuoignja, ii gula Kristusii.

—Roma 8:9

22 JESUS RÁHKISTA BUOT MÁNÁID



**Son válddii
mánáid sallii, bijai
giedaid sin ala ja
buressivdnidii sin.
—Markus 10:16**

Jesus mu ráhkista, Biibal dan cealká.

Muhto Jesus rávkkaí mánáid lusas ja celkkii: 23
“Diktet mánáid boahtit mu lusa, allet hehte sin, dasgo
lpmila riika gullá dakkáraččaide.” —Lukas 18:16

Seammá láhkái lea din almmálaš Áhči dáhttu ahte ii
oktage dáin uhcahaččain láhppo [agálaš earuheapmái
lpmilis]. —Matteus 18:14

Gii leaččatge dahje gos ásašit, Jesus ráhkista du ja jámii
du ovddas. Jesus háliida maddái du ráhkisvuoda. Sáhtát
čájehit ráhkisvuodát Jesusii jeagademiin Su.

“Jos dii ráhkistehpet mu, de dii doallabehtet mu
báhkkomiid.” —Johannes 14:15

Juo bártnáža daguin vuohtta, leago su eallin buhtis ja
vuoigat. —Sátneláskkut 20:11

24 MO GÁVNNAT GEAINNU IPMILA LUSA

1. *Dovddas, ahte leat suddolaš.*

**Buohkat leat suddudan ja sis váilu Ipmila
hearvásvuohta. —Roma 3:23**

2. *Boađe Ipmila lusa Jesusa Kristusa bokte.*

**Ipmil lea okta, ja okta lea gaskaolmmái Ipmila ja
olbmuid gaskkas, olmmoš Kristus Jesus.
—1. Timoteus 2:5**

**Danin son [Jesus] sáhhtá dál ja álo beaštit sin geat su
bokte bohtet Ipmila lusa. —Hebrea 7:25**

**Jesus celkkii: “Dan gii boahká mu lusa, mun in eisege
áje eret.” —Johannes 6:37**

3. *Gáđa suddaidat.*

(Gáhtan mearkkaša dan, ahte háliida heaitit dahkamis suddaid.)

Gáhtet dan dihte suddaideattet, vai dat sihkkovuođat eret.

—Apostaliid dagut 3:19

...Hearrá...lea dinguin gierdavaš, danne go son ii dáhto ahte guhtege láhppo, muhto ahte buohkat jorgalivčče. —2. Peter 3:9

4. *Dovddas suddaidat Jesusii.*

(Dovddasteapmi oaivvilda muitaleami dahje mieđiheami.)




26 Čále sárgáide vearssa 1. Johannes 1:9, mii lea rohkadalli giedaid siste siiddus 25.

5. *Gáđa sudduidat.*

(It oaččo šat dahkat sudduid.)

Gii čiehká sudduidis, ii ane lihku, gii daid dovddasta ja gáhtá, oažžu árpmu. —Sátneláskkut 28:13

Gáidda bahás ja daga buori. —Sálmmaid girji 37:27



Dasgo árpmus dii lehpet
bestojuvvon oskku bokte.
Dat ii leat din dahku,
muhto lpmila attáldat.
Dat ii leat olbmo daguid
veagas, amas oktage iežas
rámidit. —Efesos 2:8, 9

6. Osku Jesusii Kristusii.

Jos don dovddastat
njálmmiin ahte Jesus lea
Hearrá ja oskkut váimmus ahte
lpmil lea bajásčuoččáldahtán
su jábmiid luhtte, de don
bestojuvvot. —Roma 10:9

“Oskko Hearrá Jesusii, de
don bestojuvvot, don ja du
dállu.”

—Apostaliid dagut 16:31

28 7. Váldde vuostá Jesus Kristus váibmosat ja eallimasat.

Dušše don sáhtát leahkastit váimmut uvssa ja bivdit



Jesusa dohko. Jesus celkkii,
“Mun čuoččun uksanjálmimis ja
goalkkuhan. Jos muhtin gullá mu
jiena ja rabasta uvssa, su lusa
mun boadán ja moai boradetne,
mun ja son.” —Almmustus 3:20

Muhto buohkaide geat válde su
vuostá, son attii vuoigatvuoda
šaddat lpmila mánnán, buohkaide
geat oskot su nammii.

—Johannes 1:12

Jos it leat goassege ovdal rohkadallan ja dárbbášat veahki, sáhtát atnit vuolábeale rohkosa mállen ja rohkadallat dan mielde:



**Ráhkis Hearrá Jesus,
Giitu go jápmet mu ovddas
ruossa alde ja soabahit mu suddu.
Atte ándagassii suddon. Boađe mu
váibmui ja eallimii. Váldde ealliman
ja buhtis mu váimmu. Boađe mu
Hearrán ja Beastin aivve dál.
Giitu Jesus.**

Jesusa nammii, Amen.

30 GO JESUS LEA VÁIMMUSTAT, DUS LEA AGÁLAŠ EALLIN

Ipmil lea addán midjiide agálaš eallima, ja dat eallin lea su Bárti siste. Geas lea Bárdni, das lea eallin....

—1. Johannes 5:11, 12

“Gii gullá mu sáni ja osku sutnje gii lea vuolggahan mu,...lea mannan jápmimis eallimii.” —Johannes 5:24


Muhto mii leat dorvvolaččat, vaikko milloseappot fárrešeimmet eret dán rupmašis Hearrá lusa.

—2. Korinta 5:8

Kristus, hearvásvuoda doaivu.

—Kolossa 1:27

Jos bivdet Jesusa addit ándagassii suddut, ja oskkut Hearrá Jesusii Kristusii du Beastin, čále namat dása vuolábeallai:



Loga Biibbala (Ipmila sáni) juohke beaivve ja čiega sániid váibmosat nu, ahte oahpahalat bajil vearssaid, mat veahkehit du. (Dán gihppagis leat mánja dakkár vearssa.)

Juohke čála maid Ipmila Vuoignja lea duddjon, lea ávkkálaš oahpahussan, cuiggodussan, neavvan ja bagadussan eallimii mii dohkke Ipmilii.

—2. Timoteus 3:16

Giitte Jesusa buot eallima buriin áššiin. **Máinno su das**, maid son lea dahkan du ovddas. **Rohkadala buot iežat dárbbuid ovddas.** Rohkadala Jesusa namas.



Ja mii oažžut roahkkadit lahkanit Ipmilii ja oskut ahte son gullá min, jos mii átnut juoidá su dáhtu mielde. —1. Johannes 5:14

Maid ihkinassii dii átnubehtet Áhčis mu nammii, dan son addá didjiide.

—Johannes 16:23

...Rohkadallet guhtet guimmiideattet ovddas....

—Jakob 5:16

...Rohkadallet daid ovddas geat doarrádallet din.

—Matteus 5:44

ROHKOS, MAN JESUS OAHPAHII IEŽAS MAŇISBOAHTTIIDE

33

Jesus oahpahii iežas maŇisboahttiid rohkadallat ná:

Áhččámet, don guhte leat almmis! Basuhuvvos du namma. Bohtos du riika. Šaddos du dáhttu, mo almmis nu maiddái eatnama alde. Atte midjiide odne min beaivválaš láibbi. Ja atte midjiide min sudduid ándagassii, nugo miige ándagassii addit velggolaččaidasamet. Ale doalvvo min geahččalussii, muhto beastte min bahás eret. Dasgo du lea riika ja fápmu ja gudni agálašvuhtii. Amen. —Matteus 6:9-13

Oahpahala dán rohkosa bajil. Oskkolaš olbmot rohkadallet dávjá dán rohkosa ovttas jitnosit.

IPMILA LOGI BÁHKKOMA OAHPAHIT MIDJIIDE, MO EALLIT

(2. Mosesgirji, kapihttal 20)

***Njeallje vuosttas báhkkoma laktásit min ráhkisvuhtii
Ipmila guovdu:***

- 1. Dus eai oaččo leat eará ipmilat go mun.**
- 2. Don it oaččo dahkat alccesat ipmilgova itge
makkárga hámi.... Don it oaččo rohkadallat daid
itge bálvalit daid....**
- 3. Don it oaččo cealkit duššás Hearrá, Ipmilat,
nama....**
- 4. Ane muittus sabbatbeaivvi nu ahte don basuhat dan.**

***Guhtta loahppabáhkkoma laktásit min ráhkisvuhtii
eará olbmuid guovdu.***

- 5. Gudnejahte áhčát ja eatnát....**
- 6. Don it oaččo goddit.**
- 7. Don it oaččo rihkkut náittosdili.** (Don it oaččo beahttit boatnját dahje áhkát.)
- 8. Don it oaččo suoládit.**
- 9. Don it oaččo cealkit vearreduođaštusa lagamuččat vuostá.**
- 10. Don it oaččo anistuvvat...masage mii gullá du lagamužžii.**

**VÁNHURSKISVUOHTA IPMILII BUKTÁ
VÁSTÁDUSA MIN ROHKOSII**

Ja maid ihkinassii mii átnut, dan mii oažžut sus, danne go mii doallat su báhkкомиid ja dahkat dan mii lea su miela mielde.

—1. Johannes 3:22

36 GUOKTE STUORIMUS BÁHKKOMA

Ráhkis Ipmila

1. Jesus vástidii: “Ráhkis Hearrá, Ipmilat, oppa váimmus, oppa sielus ja oppa mielas. Dát lea stuorimus ja vuostamuš báhkkon.”

—Matteus 22:37, 38

Ráhkis eará olbmuid

2. Nubbi seammalágáš lea dát:
Ráhkis lagamuččat nugo iežat.

—Matteus 22:39

Guokte stuorimus báhkcoma leat čáhkaduvvon buot logi báhkkomii (siiddut 34 ja 35).



STUORIMUS DAIN LEA RÁHKISVUOHTA

37

“Ráhkisvuoda kapihttal”

(1. Korinta 13:1-8, 13)

¹Vaikko mun vel sártnošin olbmuid ja engeliid gillii, muhto mus ii livčče ráhkisvuohta, de mun livččen dušše čuoddji biellu dahje skilaideaddji divga. ²Vaikko mus vel livččiige profehtastallanattáldat ja dovddašin buot čiegusvuodaid ja buot dieđu, ja vaikko mus livččii buot osku nu ahte sáhtášin sirdit váriid, muhto ii livčče ráhkisvuohta, de mun in livčče mihkkege. ³Vaikko mun juogadivččen gefiide buot iežan opmodaga ja vaikko divttášin boaldit iežan dolas, muhto mus ii livčče ráhkisvuohta, de dat ii livčče munnje maninge ávkin.

38 ⁴Ráhkisvuohta lea gierdavaš, ráhkisvuohta lea láđis. Ráhkisvuohta ii gáđaš, ii rámohala iige čeavlástala, ⁵ii meannut unohasat, ii bivdde iežas ávkki, ii dat suhta, ii muite baháid maid lea gillán, ⁶ii illut vearrivuođa dihte, muhto illuda duohtavuođa dihte. ⁷Ráhkisvuohta gillá buot, osku buot, doaivu buot, gierdá buot. ⁸Ráhkisvuohta ii noga goassege. Muhto profehtastallan nohká, gielaiguin sárdnun jaskkoda, diehtu šaddá duššálažžan.

¹³Dál bissot dát golbma: osku, doaivu ja ráhkisvuohta. Muhto stuorimus dain lea ráhkisvuohta.

IPMIL LEA RÁHKISVUOHTA

Ipmil lea ráhkisvuohta. Dat gii bissu ráhkisvuodas, bissu Ipmila siste ja Ipmil su siste. —1. Johannes 4:16

JESUS HÁLIIDA, AHTE MUITALAT 39 SU BIRRA EARÁIDE



(ruovttus, skuvllas,
searvegottis, gos ihkinassii)

Jesus celkkii: “**Mana ruoktot
iežat olbmuid lusa ja mital
sidjiide buot maid Hearrá
lea dahkan dutnje, ja mo
son lea árpmihan du.**”

—Markus 5:19

“Buohkat dovdet din mu máhttájeaddjin, jos dii ráhkistehpet guhtet guimmiideattet.” —Johannes 13:35

Muhto Vuoiŋŋa šaddu lea ráhkisvuohta, illu, ráfi, gierdavašvuohta, ustitlašvuohta, buorrevuohta, oskkáldasvuohta, vuollegašvuohta ja mearálašvuohta. —Galatia 5:22, 23

DUOĐALAŠ IPMILA MÁNNÁ ADDÁ ÁNDAGASSII EARÁIDE

Jos dii addibehtet olbmuide ándagassii sin rihkkumiid, de maiddái din almmálaš Áhčči addá didjiide ándagassii.

—Matteus 6:14

ČIEŽA ÁŠŠI, MAID IPMIL VAŠUHA

Gorges čalmmit, behtolaš njuovčča, gieđat mat golggahit vigihis vara, váibmu mii hutká bahás ráđiid, juolggit mat viegahit bahá, vearreduođašteaddji gii gielástallá ja dat gii dagaha riidduid vieljažiid gaskii. —Sátneláskkut 6:17-19

**...Furrošeapmi [seaksa náitalkeahtes olbmuid gaskka],
buhtismeahtunvuohta, váccešvuohta, eahpeipmiliid
bálvaleapmi, noaidástallan, vašálašvuohta, riiddut,
utnohisvuohta, moarri, juonat, soahpameahtunvuohta,
sierrasearvvit, gáđašvuohta, jugešvuohta, borešvuohta ja
eará dakkárat. ...Sii geat dahket dakkáriid, eai árbe lpmila riikka.**

—Galatia 5:19-21


**...Eai árbe furrošeaddjit eaige eahpeipmiliid bálvaleaddjit, eai
náittosrihkkut, eai olbmát geat veallájit olbmáiguin, eai suollagat
eaige ruhtaváibmilat....**

—1. Korinta 6:9, 10

**DIVTTE JESUSA DEAVDIT DU IEŽAS
VUOINJAIN JA BUHTISTIT DU**

**Dii leiddet ovdal dakkárat, muhtumat dis, muhto dál dii lehpēt
bassojuvvon buhtisin ja dahkkojuvvon bassin ja vanhurskkisin
Hearrá Jesus Kristusa nammii ja min lpmila Vuoiŋŋa fámuin.**

—1. Korinta 6:11



(Loga Lukas 16:19-26.)

Sihkarmuva, ahte oskkut
Jesusii Kristusii. Son čállá
du nama Eallima girjái.

**Juohkehaš gean
namma ii lean
čállojuvvon eallima
girjái, bálkestuvvui
dan dollajávrái.**

—Almmustus 20:15

JESUS LEA ÁIDNA GE Aidnu IPMILA LUSA

43

**Ipmil lea addán midjiide agálaš eallima, ja dat eallin
lea su Bárti siste. —1. Johannes 5:11**

**Suttu bálká lea jápmin, muhto Ipmila attáldat lea
agálaš eallin Kristus Jesusis, min Hearnás.
—Roma 6:23**

**“Das gii osku Bárdnái, lea agálaš eallin. Dat gii ii
dáhto oskut Bárdnái, ii beasa oaidnit eallima, muhto
Ipmila moarri bissu su badjelis.” —Johannes 3:36**

**Jesus vástidii: “Mun lean geaidnu, duohtavuohta ja
eallin. Ii oktage boađe Áhči lusa muđui go mu bokte.”
—Johannes 14:6**



Johannes oinnii almmustusas, Almmustusa kapihttalis 21, ođđa almmi ja ođđa eatnama.

“Son sihkku sin čalmmiin juohke gatnjala. Jápmin ii leat šat, ii moraš, bárgun iige váivi. Buot mii lei ovdal, lea jávkan.” Son gii čohkká truvnnus, celkkii: “Geahča, mun dagan buot ođasin.”

—Almmustus 21:4, 5

Johannes oinnii maddái bassi gávpoga, ođđa Jerusalema, bohtimin vuolás lpmila luhte almmis.

“Gávpot lei buhtis gollis mii lei šalgat dego láse. Gávpotmuvrra vuodđogeaddggit ledje činahuvvon juohkelágán mávssolaš geđggiiguin.”

—Almmustus 21:18, 19

JESUS LEA MANNAN GÁRVVISTIT 45 SAJI BUOHKAIDE, GEAT SUTNJE OSKOT

**“Allos din váibmu lehko leabuheapme. Oskot
lpmilii ja oskot munnje. Mu Áhči viesus leat ollu
lanjat. Dajašingo mun muđui ahte manan
gárvvistit didjiide saji? Mun manan gárvvistit
didjiide saji, muhto boadán fas ruoktot ja vieččan
din lusan, vai dii lehpet doppe gos mun lean.”**

—Johannes 14:1-3

MUITAL DÁID BURIID OĐĐASIID EARÁIDEGE

**Jesus celkkii: “Mannet oppa máilbmái ja
sárdnidehket evangeliuma buohkaide oppa
sivdnádussii.”**

—Markus 16:15

46 IPMILA LOHPÁDUSAT MÁNNÁSEASET

Mun in guođe du, mun in goassege hilggo du. —Hebrea 13:5

Son gohčču engeliiddis várjalit du, gos ihkinassii
don jođát. —Sálmmaid girji 91:11

“lige oktage sáhte rohttet sin eret Áhččán giedas.”
—Johannes 10:29

“Ja mun lean dinguin buot beivviid gitta máilmmi
loahpa rádjái.” —Matteus 28:20

Ale bala das maid šattat gillát. ...Leage oskkáldas
gitta jápmima rádjái, de mun attán dutnje eallima
vuoitogierddu. —Almmustus 2:10



Vaikko mun čohkkán seavdnjadasas, de
Hearrá lea mu čuovga. —Mika 7:8

Čuorvvo munnje, de mun vástidan dutnje....
—Jeremia 33:3

JESUS BOAHTÁ RUOVTTOLUOTTA 47

Buohkat čuožžilit jábmiid luhtte.

Allet imaštala dán. Boahtá áigi go buohkat geat leat hávddiin, gullet su jiena. Sii čuožžilit hávddiineaset; dat geat leat dahkan buriid, eallima bajásčuožžileapmái, ja dat geat leat dahkan baháid, duomu bajásčuožžileapmái.

—Johannes 5:28, 29



Kristusis jábmit čuožžilit vuos.

Mii geat leat eallimin ja leat ain dáppe, rohttejuvvot oktan singuin balvvaid siste áibmui Hearrá ovddal. Ja nu mii oažžut álelassii leat Hearráin. —1. Tessalonika 4:17

“Váruhehket ja gohcet, danne go dii ehpet dieđe goas dat áigi boahtá.”

—Markus 13:33

48 MO JESUS BOAHTÁ RUOVTTOLUOTTA?



Geahča, son boahtá balvvain! Buot olbmot galget oaidnit su. —Almmustus 1:7

Fárut vearekristusiid ja profehtaid.

Jos dalle muhtin dadjá didjiide: Dáppe lea Messias, dahje: Messias lea duoppe, de allet jáhke. Jos nappo didjiide daddjojuvvo: ‘Son lea meahcis’, de allet vuolgge dohko, dahje: ‘Son lea gámmáris’, de allet jáhke. —Matteus 24:23, 26

JESUS BOAHTÁ FARGGA ALMMI BALVVAID SISTE

“Nugo álddagas šleađggáda nuortan ja čuvge almmi gitta oarji rádjái, nu lea dalle go Olbmobárdni boahtá. Dalle...buot máilmmi čearddat...oidnet Olbmobártni boahtimin almmi balvvaid siste stuorra fámuin ja hearvásvuodain.” —Matteus 24:27, 30

BÁIMMANSÁLBMA

(Sálmmaid girji 23)

¹Hearrá lea mu báimman, ii mus váillo mihkkege.

²Son livvuda mu ruonas gittiide, son láide mu vuoiŋgadusa čáziid lusa. ³Son áhpásmahttá mu sielu, son láide mu vanhurskkisvuodá bálgáid mielde namas dihte.

⁴Jos mun velá vádjolivččen jápminsuoivana leagis, de in mun bala mange bahás, dasgo don leat mu mielde. Du soabbi, du báimmansoabbi jedde mu.

⁵Don ráhkadat munnje beavddi mu vašálaččaid čalmmiid ovdii. Don vuoiddat mu oaivvi oljjuin, ja mu juhkanlihtti golgá badjel.

⁶Aivvefal buorre vuohtha ja árbmugasvuohtha čuovvu mu buot mu eallinbeivviid, ja mun beasan ássat Hearrá viesus nu guhká go ealán.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Nuvttá — li vuovdimassii

World Missionary Press, Inc.
PO Box 120
New Paris, IN 46553-0120 USA
www.wmpress.org

4-26



Read booklets online or by App
www.wmp-readonline.org
2335 Northern Sami WTG